

512b

# Ordinis Carmelitarum Prouinciæ Apuliæ.

*Eme, & Rme Dñe.* **C**erta omninò est Capituli Prouincialis nullitas de qua est quæstio, quia vt diximus in nostro Restrictu, Reuerendissimus Pater Generalis Aduersarius anticipauit Capituli conuocationem, iuxtà præscriptum Ordinis destinatam in die Dominico 3. post Pascha, eoque magis, quia euulgatam anticipationem pro die 22. Ianuarii 1724. adhuc noua anticipationem aggrauauit, dum iuxtà hodiernam Partis aduersæ assertionem, prima Capitularis Sessio habita fuit die 19. d. Mensis, & hæc postrema anticipatio non alio intuitu potest facta censi, nisi ad effectum eludendi Decreta à S. Sede proditura, & vt ab ipso Patre Generali posset allegari Decretorum ignorantia, cuiusque prætextu defendi validitas Capituli.

Verumtamen illamet anticipatio irrationabilis, illa præcipitantia, prout fatiscandit malum animum, & artificia Patris Generalis, eiusque Affectarum, ita etiam exigit, vt rigorosè procedatur in examinandis eius gestis, eisque annullandis, si legum, & Sacrorum Canonum præscriptum ita suadeat.

Porro Patri Generalis non bene se gessit, quatenus posthabita correctione Patris de Laurentiis, eiusque vitis neglectis, eundem sibi socium adiunxit in Visitatione Prouinciæ Apuliæ, & vbique Locorum blanditias, suasiones, ac etiam minas adhibuit, vt Patrem de Laurentijs ad Gradum Prouincialis extolleret, vt patet *ex nostro Summ. impress. num. 4.* Cumque plurimum Capitularium Vota ita per seipsum, ac etiam ope sui fidissimi Socii Patris Iturbide aucupare studuerit, vt pariter resultat *ex eodem Summ. num. 4. & seq.* ea que propter iam certi sumus de immoderata ipsius Patris Generalis affectione ergà præd. Patrem de Laurentijs, exindè faciliè censendum est, reliqua omnia pro eius immeriti Religiosi electio ne fuisse gesta subdole, & abusum Laicæ potestatis fuisse commissum ex condicto, itaut Capitulum, & electio Prouincialis sit intrinsecus & insanabiliter nulla, *per Text. in cap. quisquis de elect. cum alijs allegatis in nostro Restrictu S. Hinc autem Orc.*

Non leuis quidem est fraudis præsumptio, quotiescumque apparet præcedens immoderata Agentis affectio; At frustra per præsumptiones incedimus, dum omninò certa habetur probatio abusus Laicæ potestatis, quæ ad electionem coactandam adhibita fuit ab ipso Patre Generali, etenim fides relata in nostro *Summ. nu. 6.* ad veritatis cognitionem exuberat, quia ostendit, Religiosos vocales inuitatos fuisse à Patre Generali, vt accederent ad eius Cubiculum,

ibique audirent præceptum de non excludendo Patere Laurentio à Dignitate Prouincialis . Vocatio illa Religiosorum facta fuit die Mercurii 19. Ianuarii 1724. circa horam 24. quando iam ab Vrbe ad Ciuitatem Liçiensem peruenerant Litteræ continentes Decretum Papale , prohibitionem eligendi Patrem de Laurentiis , vt patet ex fide Officialium in *d. nostro Su. n. 7.* Cumque certò constet idem præceptum affectatum fuisse animo frustrandi mandata, & decreta S. Sedis, huiusque Sacrae Congregationis, vt clarè conuincitur ex eadem attestazione in *d. Summ. num. 6.* ibi = *Dicua non douersi escludere per ordine di Roma dal Prouincialato il P. Macsiro Gio: Maria de Laurentiis, se d. ordine non fosse prima contrassegnato dall' Esquatur Regio* = Adeoque tam inspecto tempore publicationis, quàm inspecto fine, proptèr quem facta fuit publicatio dicti præcepti, dubitandum non est, quin Pater Generalis ex proposito cogitauerit de frustranda inhibitione Papali per abusum Laicæ potestatis.

Nec potest sese excusare ex eo, quod præceptum sibi aduenerit irrequisitum, & inexpectatum; Tum quia nimis inuerisimile est, à Regiis Ministris in Ciuitate Neapoli degentibus transmissum fuisse præceptum læsuum Ecclesiasticæ libertatis. Tum maximè quia ipse P. Generalis facto suo probauit præceptū sibi obuenisse ex condito, illud namque recepit absque vlla reluctantia, & vt solemnior fieret eiusdem præcepti receptio, conuocauit alios Religiosos in eius cubiculo non existentes, vt testantur illi subscripti in *d. fide data in Summ. impress. num. 6.* ibi = *Il Mercoledì ad ore 23.  $\frac{1}{4}$  in 24. ci si chiamare in propria Camera il P. Generale Gasparo Pizzolanti, doue giunti ritrouassimo il sud. P. Generale col suo Compagno &c. ed il Signor Auditore Carcani, da lui fù immediatamente presa una carta &c. che letta alla presenza di tutti i PP. sud., e nostra, dicua non douersi escludere per ordine di Roma dal Prouincialato il Padre Macsiro Gio: Maria de Laurentiis &c.* Cum ergo Pater Generalis non yllam resistantiam, sed imò obsequium exhibuerit præcepto, atque vltèriùs sese illius executorem fecerit, vtique non deprehensus, neque coactus, sed vltro abusus fuit laica potestate, adeo ut tanti abusus reatum nequeat euitare, ad benè firmata per *Card. de Luc. in Miscell. Eccles. disc. 17. num. 8. versic. quin imò Rot. decis. 1093. num. 10. coram Penia, & decis. 282. num. 17. coram Bichio.*

Imò quia idem Pater Generalis quantumuis Ecclesiam claudi, & Conuentum Custodibus vallari iussisset, nè vlli Laico pateret accessus ad Capitulum, attamen permisit, vt illuc accedere posset Regius scriba, qui post euulgatum aduentum inhibitionis Papalis die Veneris 22. Ianuarij de mane, omnibus Vocalibus Capitulariter congregatis, magis solemniter repetijt præceptum, & iussit = *Non douersi obedire ad ordine veruno di Roma, se prima non auesse il Regio*

*Exequatur* ; vt in dicto nostro *Summario* num.6. : Idcirco dubitandum minimè est, quin eiusdem præcepti renouatio euenerit re, & consilio Patris Generalis, qui soli scribæ Regio permisit accessum alijs omnibus denegatum, & iterum audita Regij præcepti intimatione, conticuit, & acquieuit, & silentio suo effecit nè alius quicumque ex Capitularibus posset reclamare; In his namque circumstantijs, quantumquis Pater Generalis non esset reus procurati præcepti, nunquam tamen potest euitare reatum approbationis, & ratificationis, dùm ipse curauit, vt præceptum sibi, & Capitularibus præsentaretur, & in actu præsentationis quieuit, & annuit, ad bene firmata per *Rot. in dicta decis.* 282. num.16. *coram Bichio*.

Nullamque excusatione Pater Zeneralis potest desumere ex eo, quod nemo Vocalium reclamauerit, immò quod omnes electionem postea factam approbauerint vnanimi vocè respondentes, nihil sibi superesse, quod opponerent contrà electionem factam: Etenim vīgintiquatuor Vocales, qui Vota sua tulerant prò Patre Magistro Vlasto certò certius non responderunt, quidquàm prò approbanda electione immeriti Patris de Laurentijs; Alij verò vtrumque annuerint, non aliter poterant respondere postquàm audierant iteratam præcepti regij intimationem cum adiuncto grauium minarum in præiudicium sui, suorumque Consaguineorum; Adeoque propter vim, & violentiam adhibitam, quotquot fuerint Vocales assentientes electioni Patris de Laurentijs, omnes haberi debent prò in vitis, & reluctantis, quia consensus coactus non est *Gloss. in cap. quisquis de elect. cum alijs apud Donat. prax. regul. tom.2. tract.1. num.2., & seqq.* ac præcipue prò dissentiente habendus est P. Magister Exprovincialis Ricchiutus, licet in contrario *Restrictu* S.17. connumeretur inter assentientes, quia ille Ricchiutus, designatus in *contrario Summario* num.15. *lit.C.*, non est Nicolaus sed Cijrillus Ricchiutus à nostro Patre Magistro Nicolao diuersus.

Cum itaque ex præcedentibus concomitantibus, & successiuis actibus malitiosa, & inexcusabilis appareat electio Patris de Laurentijs facta per studiosum abusum Laicæ potestatis, & animo eludendi supremam Summi Pontificis voluntatem toti Capitulo, & ipsis Aduersarijs apprimè notam, vtique pro nulla, & irrita haberi debet electio ex Iuribus allegatis in nostro *Restrictu* S. *Et quidem cum seqq.*, nec aliter iudicari patitur Sanctæ Sedis maiestas, & Sacri huius Confessus dignitas, nisi velimüs, vt hæc irrita electio approbata possit alijs malitiosis electionibus exemplo esse cum maximo vilipendio Sanctæ Sedis, & Sacræ Congregationis.

Durior verò est eiusdem Capituli, & electionis approbatio, quia S. M. Innocentius XIII. prohibuerat, Capituli anticipationem, & expressè declarauerat, vt inhibitio sua deberet operari ex tunc, idest ab ipso momento temporis, quo suum Decretum edidit, vt in nostro *Summenum*.5. Quamobrem etiamsi Decretum prædictum ad manus Patris Generalis non peruenerit re integra, sed post expletam primam Sessionem Capitularem, idest die Iouis 20. Ianuarij 1724,



vt exaduerso admittitur; At tamen ex hac facti veritate exaduerso admissa dum procedunt illationes aptissimæ ad conuincendam electionis nullitatem insanabilem.

Prima nempe, quod etiam prima Sessio Capitularis quantumuis ignoranter expleta, debeat censeri nulla, & irrita, quia Decretum ex mente Supremi Principis operatiuum ex nunc ligat etiam ignorantes, eorumque facultates suspendit, atque irritat actum quantumuis bona fide gestum, vt latè firmatum fuit in nostro *Rescripto à S. E. S. tamen cum pluribus seqq.*

Altera autem illatio est, quod duæ Sessiones postmodum habitæ in die Iouis, & Veneris 20. & 21. Ianuarij sint prorsus nullæ, & irritæ absque vlla spe sanationis, quia factæ fuerunt scienter, & in spretum Papalis inhibitionis, adeoût Pater Generalis, qui voluit Sessiones illas explere, & sibi prohibitam electionem consummare, non possit villo modo euitare poenam de iure inflictam ijs, qui præcepta Sanctæ Sedis scienter contempnunt, ex allegatis in nostro *Rescripto S. Si igitur.*

Abique eo quod ad sese excusandum possit Pater Generalis iuuari dicterio = *qui continuat non attentat* =, præsertim quia, vt exaduerso iactatur, ita exigebat prudentiæ ratio ad effectum vitandi, ne tota Apuliæ Prouincia veniret ad arma ob mixturam Laicorum Magnatum, qui Vocalium suffragia post Capituli dissolutionem potuissent facilius scindere, & in Factiones diuidere.

Illud namque dicterium = *Qui continuat non attentat* = obseruatur quando principium possessionis est validum, & à quauis nullitate prorsus immune; At quando principium possessionis est nullum, & irritum, tunc sanè æquè attentare dicitur qui facere incipit, ac qui factum continuat *LanceHol. de Attentat. par. 2. cap. 4. limit. 1. n. 11, O. 87. Possib. de manut. obseruat. 17. n. 52. Rot. post eum. decis. 305. num. 3. O. 4.* Proinde cum Capituli principium esset infectum, eiusque prima sessio esset nulla, tum quia malitiosè facta fuerat animo eludendi imminentem inhibitionem Sanctæ Sedis; Tum quia die Iouis, & antè initium secundæ Sessionis iam Pater Generalis videbat inhibitionem ipsam inductiuam nullitatis ex nunc, & sic omnino certus euaserat de primæ Sessionis nullitate; Vtique citrà vitium attentatorum, & citrà malam fidem non potuit ad secundam sessionem progredi; sed ab ea debuisset abstinere, nè vitium vitio, & nullitati nullitatem adderet.

Ea verò, quæ prædicantur de prudentia, possunt contemni, siuè quia de Causa exercendi prudentiam, de mixtura, & dissidijs Magnatum non vlla habetur fides; siuè quia prudentiæ ratio nequit vlla considerari in Superiore, qui a callidis socijs circumuentus immoderatam affectionem præcepit, & Gremialium Vota aucupauit, atque implorauit opem Laice potestatis, vt pluribus valdè emeritis Religiosis antefereat votum notoriè diffamatum, & excommunicatum.

Nimia igitur est nullitas Capituli celebrati, & continuati in spretum Apostolicæ inhibitionis, neque euitari potest eo prætextu, quod

vores nostri Principales fuerint consilij de illius Decreti editione, & nihilominus neglexerint sese opponere continuationi dicti Capituli, vt obijcitur in *contrario Restrictu* S. 21. & 22. Illa namque inhibitiō concessa non fuit ad Supplicationem Patrum Principalem, sed prodijt motu proprio Summi Pontificis, vt satis superque conuincitur tum ex eo, quod in Secretaria non reperitur Libellus porrectus pro eadem inhibitione obtinenda, tum ex eo, quod idem Decretum relatum in *nostro Summ. num. 5.* licet enunciet supplicationem, ibi = *Supplicante Patre Nicolao Maria Ricchiuto &c.* = intelligendum est de Libello porrecto huic Sacre Congregationi, in quo sub die 15. Decembris 1723. rescriptum fuit = *Pater Generalis citatur Iure suo ad formam Constitutionum.* Cumque idem Decretum Papale motu proprio editum non fuerit nobis ostensum, neque communicatum, sed iuxta mentem Summi Pontificis immediate consignatum Patri Procuratori Generali pro illius celeri transmissione ad Ciuitatem Lyciensem, vt liquet ex attestatione Eminentissimi Domini Cardinalis Petra tunc Secretarij relata in calce dicti Decreti Papalis *Summ. num. 5. litt. A.* Ex his omnibus prout in nostris Principalibus exclusa remanet scientia dicti Decreti, ita etiam exinde corrui illatio renunciationis desumptæ ex acquiescentia, & ex omisa protestatione ex parte Patrum Principalium, quia dum ignorabant Decretum Papale, non poterant eius vigore animari ad protestandum, & opponendam nullitatem è conspectu Patris Generalis insistentis pro Capituli prosecutione, & adiuuati a Regio præcepto asperis verbis, & grauibz minis abundanti.

At quando Capituli, & electionis consummatio non posset irrita declarari ex mala fide Patris Generalis, qui Laicæ potestatis opem implorasse non videatur, quoniammodò poterit vquam euitari nullitas omnino certa promanans ex eo, quod idem Pater Generalis blanditijs, & importunis suasionibus captauerit Vocalium suffragia, vt electio caderet in Patre Laurentio palam diffamato, iudicialiter de excessibus conuicto, & notoriè excommunicato? Si percurratur contrarius Restrictus, non poterat nec melior, nec dignior eligi in Prouincialem; Ipse Pater de Laurentijs vbique doctus, vbique prudens, nemini Discipulus, omnibus Magister prædicatur, & in Conuentu Bituntini dicitur vti Prior præfuisse cum tanta pietate, & sedulitate, vt disciplinam regularem ibi collapsam reparauerit, & ipsum Conuentum reddiderit ditiozem.

Sed sileant huiusmodi præconia nouissimè hausta à paucis Religiosis ab ipso Patre de Laurentijs tanquam Prouinciali beneficatis, & ad diuersas Dignitates immeritò euectis. Veritas stat in oppositum, & mendicata præconia iugulat, & suffocat; Imò ipse Pater de Laurentijs se ipsum, suosque excessus prodit, & pandit; Quoniam vix aperta Visitatione Conuentus Bituntini, priusquam inspiceret faciem Patris Prouincialis Ricchiuti, se dedit fugæ, *nostro Summ. impresso num. 2.*, sicquè Prouincialis faciem, & iudicium effugiens, ostendit se velle tantum euitare suorum criminum cognitionem, & pœ-



nam *Farinate. in prax. Crim. parte prima Tit. de indic. ad Torjur. quæst. 48. numero primo, Add. ad eum cons. 19. lit. H.*

Cumque plures excessus verificati, fuerint ex relatione per Reuerendissimum Cornacciolum exposita, & examinata in hac Sacra Congregatione sub die 6. Augusti 1721. quando prodijt Rescriptum, = *Suspensio interim Priore de Laurentijs &c.* = ac ulterius ex oculari Librorum inspectione constiterit Patri Prouinciali Ricchiuto de omissa Relatione Partitarum ad Introitum Conuentus Bitunti, ac viceuersa de duplicatione Partitarum in Exitu, vt patet ex Processu in manibus Eminentissimi Ponentis planè ex his omnibus exuberanter verificata remanet iustitia Sententiæ latæ contra Patrem de Laurentijs, eiusque crimina satis probata debent censi, non obstante eius fuga, & latitatione, & sic verificatum remansit illud Seneca in Epist. 105. = *Nocens habuit aliquando latendi fortunam, nunquam fiduciam* =

Certiorque apparet asserti Patris Prouincialis reatus, quando recursum habito ad hanc Sacram Congregationem, obtinuit Causam in gradu Appellationis posse reuideri à Commissario per Patrem Procuratorem Generalem deputando, iuxta Rescriptum editum die 31. Ianuarij 1721., & nihilominus non potuit inueniri, qui Iudicium appellationis expleret, quoniam Pater de Laurentijs Commissarios omnes successiuè deputatos perterrituit, vt patet ex relatione Patris Generalis Cornaccioli in nostro *Summ. n. r. lit. A. B., & C.*; Quomodo enim credi potest innocens, qui nulli Iudici se credere audet, & omnes habet suspectos?

His omnibus criminosa conscientia probationibus exaduerso opponitur Sententia absolutoria lata à moderno Patre Generali sub die 10. Septembris 1723. Verumtamen ea contemnenda est tanquam commentitia, quia si tunc usque pronunciata fuisset, vtrique in latebris non fuisset retenta, quando res erat de captandis suffragijs pro electione Prouincialis, & quando res erat de eius innocentia vindicanda ab assiduis oppositionibus tam Patris Magistri Ricchiuti, quam aliorum Vocalium.

Iniusta verò est eadem sententia vtpotequæ non potuit ritè proferri in Vrbe, dum Processus vel iudicialis, vel extraiudicialis à Patre Generali confici debebat in actu Visitationis longè postea inchoatæ mense Decembris, vt præuentiuè animaduertimus in nostro Restrictu *S. Si igitur*. Cumque omninò certissimus, ex Voto Patris Generalis, eiusque Sociorum in Conuentu Lijcensi plurium Amanuensium ope innouatos fuisse Libros ipsos, super quorum defectibus prodierat iusta sententia Patris Exprovincialis Ricchiuti, nec dubitandum sit, quin omnes Partitæ ab erroribus expurgatæ fuerint, & accommodatæ genio, & Voto Patris Laurentij, eiusque fautorum; Propterea certò, certius credendum est, vel assertam sententiam Patris Generalis prodijisse mense Septembris, vel omninò nullam fuisse, & iniustam, vtpotequæ lata fuit non super inala administratione, quæ tunc erat innegabilis, sed super futura Partitarum correctione, quæ ex condicto Iudicis, & Partis debebat esse erronea, & arbitraria.

Et sicut ad probandam innocentiam Patris de Laurentijs nihil conferre potest dicta sententia Patris Generalis, ita etiam minime possunt iquare attestaciones ex aduerso productæ super beneficijs, & meliorationibus à Patre de Laurentijs factis in Conuentu Bitunti. Nam sententia Patris Prouincialis Ricchiuti lata fuit in principio anni 1721., & attaciones ex aduerso nuper mendicantæ percutiunt finem anni 1723. Ideoque ob tantam temporis intercapedinem non aptæ sunt convincere iniustitiam sententiæ longe præcedentis, quæ lata fuit super rebus antea gestis, nec potuit feri super futuris.

3j verò Eminentissimi Patres velint scire cur Pater de Laurentijs circa finem anni 1723, potuerit in Conuentu Bitunti facere meliorationes ex aduerso exaggeratas statim causa comperta est, & processit ex eo, quod Religiosi residentiales vbi viderunt Gubernium attentate reassumptum à Patre de Laurentijs, illico pro maiori parte dereliquerunt Conuentum Bitunti, adeout ex quadraginta Religiosis ibidem residere solitis, remanserint soli duodecim; Familia autem, ad numerum adeò exiguum redacta, mirum non est, quod Prior intrusus vix fecerit melioramenta à Prædecessoribus fieri consueta etiam tempore, quo quadraginta Religiosi in dicto Conuentu morabantur.

Quorsum tamen hæc seria? Pater de Laurentijs à Conuentu Bitunti per sententiam expulsus, postquam suæ sententiæ condemnatoriæ reuisionem frustraerat, impudenter redijt ad eundem Conuentum, exindè eiecit Priorem sibi à Superioribus subrogatum, sesequæ intrusit in Officio Prioris, & scandalum excitauit in tota Prouincia, atque vltèrius studuit illudere etiam huic Sacræ Congregationi, à qua petijt causam remitti ad Tribunal Nunciaturæ Neapolis, & quia Eminentissimi PP. die 8. Augusti 1721. rescripserunt: *suspeso Interim Priore de Laurentijs, Procurator Generalis procedat prout de iure* & sub die 5. Septembris eiusdem anni reiectus etiam fuit à beneficio nouæ Audientię, tunc confugit ad Tribunalia laicalia, & effectauit, vt sibi iniungeretur onus continuandi in usurpato officio Prioratus, & vt Conuentualibus præciperetur obedientia ergà ipsum Priorem, vt constat ex *nostro Summario impresso num. 2.*

Dum itaque ita audacter, & temerè se gessit Pater de Laurentijs, ac despecta Sacræ Congregationis auctoritate, sese confouere voluit in usurpata possessione Prioratus, quis vnquam poterit saluare Patrem de Laurentijs ab incurso Censurarum, & à notoria excommunicatione, quæ ipsum reddidit ineligibilem? Nemo quidem, & fateri tenentur etiam eius Domini Defensores, quia licet illum excusare, præendant tanquàm ignarum Rescripti ab hac Sacra Congregatione editi pro suspensione ab officio Prioratus, planè imperceptibilis est ignorantia, dum aduersus Rescriptum suspensiuum ipse Pater de Laurentijs petijt nouam Audientiam, & reiectionem passus statim implorauit Laicalem protectionem.

Quod autem recursus ad Superiores Laicos habitus fuerit non à Patre de Laurentijs, sed ab eius Germano fratre, credat, qui credere pos-

test, Fratrem Germanum in Ciuitate Neapolis commorantem  
tuisse diuina Rescripta in Vrbe edita pro suspensione Fratris  
officio Prioratus.

Quidquid tamen sit de protectione vel ab vno, vel ab alio ex Fra-  
tribus impetrata, ad intentum nostrum exuberat, quod Pater de La-  
rentijs vice renunciandi protectioni sibi oblata, & vice exclama-  
contra Oblatorem, vtrò acceptauerit præceptum, eique ac-  
scendo voluerit pertinaciter sese consouere in possessione, & ex-  
citio Prioratus, vt benè probant *Card. de Luc. in Miscell. Eccl.*  
*discurs. 17. sub numer. 8., & Rot. coram Bich. decis. 282. m.*  
*mer. 16., & 17.*

Proinde cum Pater de Laurentijs æquè peccauerit acceptando, ac  
petrando laicalem protectionem, utique remansit innodatus ma-  
ri excommunicatione, à qua perperam petijt absolui ex abundantia  
& ad meram cautelam, & quatenus Censuris erat deinctus etiam  
tempore celebrati Capituli, utique eius electio omninò fuit nullus  
& quidem nullitate essentiali, quæ ad differentiam nullitatum pro-  
cedentium ex defectu solemnitatum, siuè ex mera subtilitate Iuris  
non potuit vnquam, nec poterit iuste sanari, tum quia iste electio  
concussus stylus huius Sacræ Congregationis, vt probauimus in  
stro Restrictu *S. Verificata, & seq.*, tum maxime quia non expecta-  
adedò nullam, & infectam electionem sustineri, & sanari, nè pro-  
beat alijs exemplum impunè peccandi, & nè S. Sedis, & S. Congre-  
gationis maiestas vilescat.

Quare &c.

Franciscus M. de Spannocchijs )  
Ignatius à Cornù )  
Ioannes Baptista Forlinus.

Aduoc

SACRA CONGREGATIONE  
Episcoporum, & Regularium

Emo, & Rmo D. Card.

ZON DADARIO  
PONENTE

Ordinis Carmelitarum Prouincie  
Apulie.

P R O

RR. PP. Vocalibus Prouinciarum Apulie  
Baren., & Lycien.

C O N T R A

Rmum P. Generalem, & R. P. I. de Maria  
de Laurentijs.

Restrictus Responsionis Facili



illis non fuit ; ergò tota pœna aliorum in eo refuta fuit ; Proindè-  
que summa ratione concludere possumus cum *Cicerone lib. 1. Offi-*  
*ciorum circa medium, ibi : Cauendum est etiam ne maior pœna, quam*  
*culpa sit, & ne jisdem de causis alii plebentur, alii ne appellentur*  
*quidem ; Prohibenda autem maximè est ira in puniendo ; nunquam*  
*enim iratus, qui accedet ad pœnam, mediocritatem illam tenebit, quæ*  
*est inter nimium, & parum &c. Qui præsumunt reipublicæ legum simi-*  
*les sint, quæ ad puniendum non iracundia, sed æquitate ducuntur &c.*  
*Vi rectè præcipere videantur, qui monent, ut quanto superiores simus,*  
*tanto nos submissius geramus.*  
Quare &c.

Ioannes Baptista Forlinus :

SACRA CONGREGATIONE

*Episcoporum, & Regularium*

Emo, & Rmo D. Card.

PONENTE

ZONDADARI

*Ordinis Carmelitarum Provinciae*  
*Apuliae.*

P R O

R. P. Magistro Carmelo Pagano

C O N T R A

Rmum P. Generalem.



*Facti.*



& Typis Zinghi, & Monaldi 177